

Христос Шочмо дене

чыла архипастырь, пастырь ден монах-влакым да Руш Православный Черкын үшанле шочшыжо-влакым саламлымаш

«Юмын мемнам йӱратымыже теке кузе почылтын: Ик Шкет Эргыже гоч мыланна ылышым пуаш манын, Юмо Тудым тӱняшке колтен» (1 Ин. 4:9).

Преосвященный архипастырь, кугун пагалыме ача, чот пагалыме инок ден инокиня, шергакан иза-шольо да ака-шӱжар-влак! Юмын Эргын кап дене толмыжлан уло шӱм дене куанен, мемнан Утарышына Господь Иисус Христосын Шочмыжо лӱмеш волгыдо да ылышым пуышо пайрем дене чыладамат саламлем.

«Юмылан кӱшнӱ чап лийже! Мландымбалне тыныслык, еҥ-влак дене Юмын поро кумылжо!» (Лк. 2:14). Утарышын мемнан деке каласен мошташ лийдымын толмыжым ий гыч ийыш ме тыге моктена да духовный шинчана дене Тудым ужаш вашкена. Вифлеемысе кӱтӱчӱ-влаклан Суксо каласен: *«Мый тыланда кугу куаным увертарем, тидыже уло калыклан йывыртываши лиеш» (Лк. 2:10).* Христосын толшашыж нерген пророк-влак шукертак ойленыт, сандене еҥ-влак, шуко пӱрӱен ден ӱдырамаш, Тудым чот вученыт.

Чыла калыкын вучымо Иисус Христос «Шкенжым Шке ӱлык шынден, тарзын тӱсшым налын, айдеме гай лийын» (Флп. 2:7). Сандалыкын Озаже Шкаланже императорын полатшым але мландымбалысе поян-влакын суртыштым огыл ойырен налеш. Тудлан унагудыштат вер лийын огыл. Вольыклан ойырымо курыкпумышто Юмын Эрге шочеш, вольык пукшымо ясла Тудын шепкаже лиеш.

Курыкпумыш деч нужнаже да азавакш деч шулдыжо мо уло? А вет Юмын поянлыкше тушан волгалтын! Мемнам утарыме Таинствылан Христос эн нужнам ойырен налын. Мландымбалне эн шергаканлан шотлалтше власть,

поянлык, чап, лүмлө тукум гыч улмо да пагалымаш күкшыт деч Тудо лүмынак корангын. Мыланна Тудо вес закон почеш илаш темла – тиде үншылык да йоратымаш закон, тудо кугешнымаш ден осалым сенга. Тиде закон почеш илыше айдемын вийдымылыкше Юмын порылыкшо дене ушна да тугай кугу вий лиеш, кудын ваштареш тўнясе власткучышо ден кугу тора-влакат шоген огыт керт. Юмын куатше мландымбалысе чапыште да поянлыкыште огыл, а проста да үншышө шўмыштө.

Христиан илышын цельже нерген мутланымыз годым преподобный Серафим Саровский каласен: «Юмым да лишылжым йоратыше шўмым Господь кычалеш, – Тудо тыгай престолышто шинчаш йората... «Эргым, Мыланем шке шўметым пу, молыжым Мый тыланет чыла пуэм» – ойла Юмо, вет айдемын шўмешыже Юмын Кугыжаныш веран кертеш».

Кўчызө да суртдымо-печыдыме-влак дечат Господь ок коранг, оксадыме да лавыран пашам ыштыше-влакымат ок шўкал, чолак да черле-влакымат чамана. Айдемын незер улмыжо тудым Юмо деч ни ок коранге, ни ок лишемде, сандене тидлан верч вуйым сакашат, илышлан өпкелашат ок кўл. Утарыше Христос мемнан деч йодеш да ўжеш: «Эргым! Ўдырем! Мыланем шке шўметым пу» (Притч. 23:26).

Господын Шочмыжо лўмеш сылне пайрем мемнам Христос почеш каяш ўжеш, вет Тудо каласен: «Мый илышым, тичмаш илышым, кондаш толынам» (Ин. 10:10). Пылпомышыш нўлталтмыж деч ончыч апостол-влаклан манын: «Мый корно, чын да илыш улам» (Ин. 14:6). Мемнан дене Юмо, сандене илышыште вашлиялтше нелылык-влак тек мемнам огыт лўдыктө, йөсылык дене темше илыш пўрымашат тек нигөм ок темдал. Мемнан дене Юмо, да илышна гыч лўдмаш корангеш. Мемнан дене Юмо, да ме чон ласкалык ден куаным налына. Мемнан дене Юмо, да Тудлан пентыдын ўшанен, ме шкенам мландымбалысе корнынам мучашлена.

Христос почеш кайыше ең тиде тўнян энгекым кондышо толкынжо ваштареш кая. Вашлиялтше алгаштарымашлан тудо вуйым ок пу да корнышто вашлиялтше сулыкан чаракым чытенак сенга. Вет сулык мемнам Юмо деч коранда, илышнам чот кочым ышта. Юмын йоратыше волгыдыж деч мемнам шке сулыкакна авыра да тўрлө орлыкыш шўкалеш, шўмнам пешкыдемда. Святой Шўлышын порылыкшо дене веле сулыкым сенаш лиеш. Святой Шўлышыжө мыланна Черке гоч пуалтеш. Ме Юмын куатым налына, а тудыжо мемнан көргө тўнянам вашталта да, Господын эрыкше почеш, йыр улшо тўнямат вашталташ полша. Черкын тичмашлыкше деч тўрлө амаллан көра коранше-влак кошкышо пушенге гай лийыт да поро саскам пуымым чарнат.

Украиныште илыше-влаклан мый таче поснак каласынем. Тиде мландыште иза-шольо-влакын ваштарешла шогымышт черкын шочшыжо-влакым икте-весышт деч ынже ойыро, шўмыштышт өпкем ынже кушто. Чын христианин ни лишыл енымат, ни өрдыж енымат ужмышудымо лийшаш огыл. Господь каласен: «Мом ойлымым те колында: лишылетым йорате, тушманетым ужмышудымо лий. А Мый тыланда ойлем: тушмандам йоратыза, тендам каргышылан порым тыланыза, тендам вурсышо да поктылшо верч кумалза. Тунам те Пылпомышысо Ачадан чын шочшыжо улыда. Осал-влакланат, поро-влакланат Тудо шке кечыжым луктеш, чын ыштышыланат, чын огыл ыштышыланат йўрым колта» (Мф. 5:43-45). Мыланна Утарыше Христосын нине мутышт почеш илыман, вес еным ужмышудымаш да осаллык мемнан чонышто верым мушаш огытыл.

Украиныште иза-шольо-влакын ваштарешла шогымышт вашкерак чарныже манын, Руш Православный Черкын шуко тўрлө национальностян шочшыжо-влакым чот кумалаш ўжам. Сарлан көра кап да чон дене сусыргышо-влак вашкерак паремышт. Храмыште да мөнгыштат Юмым чот сөрвалаш тўнгалына. Тыгак вес мўндыр эллаште ваш умылыдымашлан көра орланыше моло христиан-влак верчат кумалаш тўнгалына.

Тиде волгыдо ўжаран Рошто йўдым да моло святой кечылаште мемнан Утарышынам да Господьнам куанен моктена да чапаландарена, вет тўняшке Тудо айдемым чот йўратымыжлан верч толын. Библийыште возен кодымо ушан шонгыен-влак семын меат Юмын Эрге Иисус Христослан пӧлекым кондена: шӧртньӧ олмеш – пенгыде йўратымашым, ладан олмеш – уло чон дене кумалмашым, тамле пушан миро олмеш – лишыл да торасе ен-влак деке поро кумылнам да пашанам.

Шергаканем-влак, мемнан Утарышына Господь Иисус Христосын Шочмыжо лўмеш волгыдо пайрем да тыгак толшо У ий дене тендам эше ик гана саламлем. Чыла кертше Господь Иисус деч кугу чаманымаш ден порылыкым сӧрвален йодам да тыландат тыланем. Аминь.

+КИРИЛЛ, Москван да уло Российын патриархше, 2016 ий, 6 январь.